

Ledscha cumünala per las taxas da cura dal cumün da Susch

Scopo

Art.1 Il cumün da Susch preleva üna taxa da cura per mincha pernottaziun ed üna taxa fundamentala per commerzi e mansteranza. Quella serva per promover il turissem dal lö.

Taxas

Taxa da pernottaziun

Art.2 a) Per mincha pernottaziun fittada in hotels, pensiuns, stanzas privatas ed abitaziuns da vacanzas vain prelevada la taxa da cura cumünala.

Taxa redotta da pernottaziun

b) Per mincha pernottaziun fittada in chomps da vacanzas, camping o oters chomps vain prevelada la taxa da cura redotta obain üna taxa pauschala chi vain fuormada a man da las frequenzas da pernottaziuns.

Taxa fundamentala

c) Mincha impraisa d'hotellaria, ustaria, commerzi e mansteranza domiciliada a Susch sco eir mincha possessur d'abitaziuns, da chasas da vacanzas o da chamonnas chi nun ha domicil in cumün, pajan üna taxa da cura fundamentala tenor l'uorden da taxas.

Deliberaziun

d) Deliberats da las taxas sun:

- Uffants suot 12 ons
- Lavuraints ed impiegats chi lavuran a Susch o contuorns
- Militar
- Minchün chi ha domicil a Susch
- Visitas chi nu pajan inguotta per l'allogi

Per eventualas differenzas decida definitivamaing la suprastanza cumünala.

Uorden da taxas

e) Ils imports da las differentas taxas da cura vegnan fixats in ün uorden da taxas. Quel po gnir fixà e müdà unicamaing da la radunanza cumünala.

Inchasch ed adöver

Art. 3 La taxa da cura vain prelevada dals 1. schner fin als 31 december. L'inchasch e l'administraziun da la taxa da cura vegnan fats da l'administraziun cumünala.

Oblics dals fittaders

Art. 4 a) Mincha fittader da lets e da plazzas in chomps sün territori dal cumün da Susch, ha l'oblic dad inchaschar per mincha pernottaziun la taxa da cura tenor l'artichel 2 da quista ledscha, e da pajar quella al cumün.

Implü han ils fittaders eir l'oblic d'inoltrar las indicaziuns cha'l cumün dovra per far las statisticas da giasts illa destinaziun turistica.

b) In cas ch'ün fittader cuntrafà a quista ledscha, po quel gnir chastia dal cussagl da cumün cun ün import fin maximalmaing 500 francs.

Vigur

Art. 5 Quista ledscha es gnüda ratifichada da la radunanza cumünala als 17 avuost 2000 ed aintra in vigur a partir dals 1. november 2000 e revissa parzialmaing da la radunanza cumünala als 7 november 2007 cun vigur a partir dals 1. november 2007.

Susch ils, 7 november 2007

Il capo cumünal:



Emil Müller

L'actuar;



Marcel Franziscus